

In kivi ndika'a xe ni ixavi deen ti ni ikokava ti, te
ni kukava ti ndatatu ti.




Xuka te ni xee tikueñi nu katuu ti. Ka'an ti:
—¡Ta'vi lii! ¡Ta'vi lii! —xe kuini ka'an xe kuu
kua'a jna'a ti ii ti.



Divi kuenda orre kivi vijna, xe'e ndika'a jnu'u xe
ti'vi tikueñi ii ta'vi di'na niñi.
Diuka iyo in cuentu ndika'a y tikueñi.



Ña ka ni'i ga ti xe ki da'a ti ka ikotuu ga ni ti,
kua'an koyo ti. Xuka daa te ni kuu ni ka inu ti, ni ndaku
tikueñi ii taka kiti ni ndadatutu ti.



Te ndika'a ndane'e ti nda'a ti te kuu ti xe jnii ti
tikueñi, ko ña ni'i ña ti, chi tikueñi ndandita ni ti.



Daa te ndada'vi tugu ti nda'a ti do'o ti unga tugu.



Na kuee ini ti xe du'va ninu, diki xujnu ka xi'i
tikueñi ii kitii ni ndadatutu ti.

¡Danaaniga te ni ka ndendita ti!


Ni ka kaku'un ña ti, mudu danaaniga ni ka kaku'un
ti, ni ka tuu ti ndika'a. Kuenda ka keen ka kitu ga ni ti
maa ti ka ikotuu ka ikondii ti xe ni ka kivi ti, ni chii idi
changu, chii idi taka kitii ka xi'i ii ti, ni ka kivi xoko
da'nda, ñuñu, chikili'i, ni ka tuu ña ti.



Ki'naga maa tikueñi ni xee koyo ti ii taka nyaa kitinadadatutu ti.

Te ika daa ni xee koyo ndika'a ii kitinadadatutujna'a ti. Da'a ndika'a kuenda xe ta ña'a ga xee tikueñi. Ni ka xee koyo ti nava'a in nu ni ka ndajnu'u inuu ti xeki kua'a jna'a ti.

Ka ito ndee ti ña xoo maa na ndeku. Tuu in maa na kitinadeku.



Nu di'na ni te, ndaxee ni tugu tikueñi unga ni tugu iña'a ti. Ka'an ni tugu ti:

—¡Ta'vi lii! ¡Ta'vi lii!

Daa te ndane'e ti nda'a ti kuu ti xe ka'ni ña ti, ko ña ni i'i tikueñi, chi ndandita ni ti nde ninu.

Xuka te vuelta ku uni ga, iña'a ndika'a xe:

—Nu xe kuu ini ndo xe kua'a jna'a so, kua'an, te dia'a kivi ndanijna'a so in nu kua'a jna'a so.

Xuka te ni kee tikueñi kua'an ti, te dani jna'a ndika'a ni kee ti, te kua'an jna'a ti.



Kua'an tikueñi ni ndadatutu ti taka nyaa kitideen,
kiti ka tuu ña, kiti ka iyo iñu, na kuini o kiti kuu tindaka,
chikili'i, ñuñu, xoko kuaan, xoko da'nda, taka kiti ka tuu,
kiti ka iyo iñu diuka.



Te dani jna'a, ndika'a ni kee ti te kua'an ti. Ni ñe'e
ti nu tiva'u, chikuii, oso, changu, lobo. Daa te ni iñajnu'u
ti xe:

—Dia'a kivi kua'a jna'a so ii tikueñi —iña'a ti nu
taka kiti ki chindee jna'a ii ti.

Kuu ni teku do'o maa changu jnu'u xuka, ni kukuita
ti iyo dandanuu ti maa ti, da'a ti mudu xe datu'va ti xe
kua'a jna'a ti xe xee kivi xuka.

Te kai ndetu ti ni xejna'a kivi ki kua'a jna'a ti.

Dani jna'a tikueñi, xe ama ka iyo tu'va ti kivi
kukuu i.

